

陳州府志目錄

卷首

序

凡例

目錄

圖經

卷之一

沿革

有表

卷之二

星野

有圖

卷之三

疆域

卷之四

山川 附河渠津梁

卷之五

建置 城池 郵政 廨署 倉廩 坊巷 集鎮 遞舖

卷之六

學校 附名宦諸祠

卷之七

聖蹟 附書院義學

卷之八

聖蹟

卷之九

祀典

卷之十

古蹟

附陵墓寺廟

卷之十一

風俗

附物產

卷之十二

賦役

卷之十三

職官

卷之十四

名宦

卷之十五

武備

卷之十六

選舉

卷之十七

人物
上

卷之十八

人物
下

卷之十九

忠義孝弟

卷之二十

流寓

隱逸

方伎

卷之二十一

列女

卷之二十二

列女

下

卷之二十三

仙釋

卷之二十四

藝文

一

詔勅

表奏

告文

慶書

序引

卷之二十五

藝文

二

記

卷之二十六

藝文

三

記

卷之二十七

藝文

四

四六

贊頌銘
祭文

傳

論辯

墓誌

疏引

賦
題跋

卷之二十八

藝文

五

詩

卷之二十九

藝文六 詩

卷之三十

雜志

祥異

兵變

外傳

幽異

陳州府志卷之五

楚鄂崔應階吉升氏纂修

建置

王公設險以守其國非獨山川也城池亦有賴焉陳地無山川險阻而唐守趙犇以孤城力戰卒摧巢寇所係不綦重歟雖天下承平六合一家然城隍墩堡宮室市廛舉凡建置之興廢政治之得失係焉守茲土者詎可忽耶故修舉廢墜卽其人其事而備載簡冊俾後之覽者得以察此邦治忽之由匪僅爲城闕觀瞻計也志建置

城池

陳州府城卽古陳國也九域志云陳胡公所築太平寰
宇志云楚惠王所築晉地道志云陳城西南角有淮
陽城漢淮陽國城也杜氏通典亦云漢淮陽郡故城
在陳州宛邱縣西南寰宇記又云陳州城枕蔡水周
圍三十里今蔡水實由城北大折而東自漢以後修
築莫稽唐季趙刺史雙繕培力摧巢權二賊宋中葉
趙守子崧販築先聲却金人游兵捍衛勲名煌煌與
雉堞俱峙矣相傳今城乃繇東右徙者東堞卽古西
闔以東南一隅猶存仰瓦外抱跡爲證城中十字大

街識者指爲西銘山之遺形勢陸聳回壘抵城闌幾
於注坡走坂俗謂諸門懸崖之脊與是街等高則爾
雅所云宛爲邱上邱者地勢實肖之今城似復淮陽
故址明洪武定中原茲實後服尋幸汴駐蹕於茲卽
命指揮賈齊等守焉辛亥指揮陳亨重繕周甃以磚
延袤七里有奇高三丈趾廣五丈五尺頂廣不及趾
十之三舊有四門東明化西平信南孝義北永安各
增築甕城暨門表裏各施井榦四隅各爲角樓隅間
傳垣爲敵臺臺計三十有九堞計二千七百池深一
丈五尺廣二丈有奇外環護城堤景泰間樓堞稍圯

指揮陳紀新之增巡警舖凡三十有七嘉靖丁酉知
州郝璋指揮王三錫濬池深廣視洪武初加十之三
隆慶丁卯夏六月雨洽四十日城復圯知州崔南陽
指揮賈國禎分葺以完癸巳以後水患頻仍城堞多
壞南門崩知州胡大成修焉崇禎十五年三月十二
日闖賊李自成陷陳城垣毀折焚燒四門

國朝順治三年知州趙煒復行脩築康熙十四年六月大
雨連旬城復坍塌知州李景雲捐俸修之二十七年
知州潘士瑞捐俸補築平治城下積土脩砌女牆

朱竣病卒二十八年五十一年知州王清彥顧瑛

繼修葺雍正七年知州林貽熊重修嗣則繼任者雖
時加修葺其如歷年久遠東補西圻非寸磚尺土可
竣乾隆七年十一月兩經估報代賑興工

淮寧縣 附郭

太康縣舊係土城相傳元至正二年建前志失考週九
里三十三步高三丈八尺濶二丈三尺池深二丈濶

四丈城門樓四東朝陽西樂成南迎薰北迎恩明嘉
靖三十三年柘城師尙詔反圍城三日解去崇禎四
年土寇張鼎夜襲東城不能登尋被獲七年流寇圍
城環攻一日夜巡撫元默統兵救援斬獲甚衆賊遁

去九年知縣李臯見大地搶攘土城難禦守遂城以
磚厚五尺高四丈三尺四隅設角樓四面設敵樓凡
十有三日告竣人以爲神十五年三月李自成破陳
州抵太康攻城二日外無救援東南角樓火藥蹶騰
賊乘瑕蜂登城破被屠垣墉平毀盡爲瓦礫

國朝順治三年知縣姬令甲重建磚城五年知縣田大善
復修康熙三十一年大雨水壞城知縣朴懷寶捐修
一百五十三丈三十四年捐修一百八十丈三十五
年又捐修九十七丈三尺乾隆四年經前縣姚孔鍼
請領公項銀兩修繕殘缺

扶溝縣城按春秋鄭人築桐邱城此縣治之始明洪武
三年兵燹之後僅存遺址縣丞劉益草創規模高丈
餘周圍六里正統七年知縣韓璟修城高二丈五尺
池深二丈規制始備景泰二年知縣陳紀復修濬城
池建敵樓成化十九年知縣胡宣修四門磚甃甕城
東朝陽西迎恩南望遠北拱辰後易東爲寅賓南迎
薰西見嵩北仍舊正德五年知縣王廷華因河北盜
起爲城守計七年春全圍城賴以保全盜去大興城
役創女牆立敵樓皆爲濠建郭門嘉靖四年北
門圯於水縣丞康鏡取東橋廢石修築三十一年冬

知縣高經大興工役隆冬不息明年有柘寇實藉保障民追思之隆慶六年知縣黃芬作磚城使陰陽官高潺董其役成三面以疾法知縣徐宏竟其功周圍一千二百四十一丈高三丈雉堞五尺上廣一丈墜深二丈濶倍之角設雉鋪翼然一新萬歷三十年磚城漸多圯壞知縣全良範修葺之塹中植柳千章三十七年知縣丁可取拓城丈餘甃以磚崇禎十年知縣蘇顯祐建附城敵樓十五年賊圍賊驅民拆毀十六年營頭李奮文合四鄉士人因廢址修之不及舊城數版

國朝順治十三年知縣王佐重修東北城門暨二橋四門
舊制弘做亂時易以小門康熙四年知縣高錫爵捐
俸庀材置大門鐵裹復舊制橋修堅固旁植扶欄出
入稱便三十六年知縣趙如桓重修城垣凡磚灰工
值悉自給之不以累民由是墀堦完固五十六年前
任知縣邵士超一準前規而帮築之雍正十一年知
縣周鈺捐備工料修整損壞乾隆二年冬補修甕城
月城女牆堦口三年秋淫雨連綿南北東三門崩陷
又補修三門甕城視舊加厚明年夏暴雨河水泛溢
壞民居無數城獨無恙此一修之力居多云

西華縣城圯於元末至明成化八年知縣盧睿重修四
門東長平西清水南長樂北永濟弘治十一年知縣
李景修角樓窩舖堦墻疏通馬道正德七年流賊陷
城賊去知縣王堯臣始增修高二丈五尺隆慶二年
知縣張光孝作磚城高二丈五尺上濶八尺濠濶七
丈深二丈萬歷二十三年知縣屈煒修甕城加重門
東賓陽西阜成南來薰北拱辰

國朝四門城樓皆久圯廢知縣朱培修東西南三門惟北
樓未建鐫級去康熙二十八年知縣李培捐貲重建
乾隆七年雨水霖塌過多知縣介錫齡估報題候以